

*Sap. 13.* Vani sunt omnes homines, in quibus non subest scientia Dei.

*Esa. 1.* Cognouit bos possessorem suum, & asinus præsepe Domini sui: Israel autem me non cognouit, & populus meus non intellexit.

*Ier. 4.* Quia stultus populus meus me non cognouit: filij insipientes sunt, & vecordes.

9. Confortati sunt in terra, quia de malo ad malū egressi sunt, & me non cognouerunt, dicit Dominus.

*Ibidem.* Non gloriatur sapiens in sapientia sua, & non gloriatur fortis in fortitudine sua, & non gloriatur diues in diuitiis suis: sed in hoc gloriatur, qui gloriatur, scire & nosse me: quia ego sum Dominus, qui facio misericordiam & iudicium & iustitiam in terra.

*Osee 6.* Misericordiam volui, & non sacrificiū: & scientiam Dei plusquam holocausta.

*Rom. 1.* Reuelatur ira Dei de cælo super omnem impietatem, & iniustitiam hominum eorum, qui veritatem Dei in iustitia detinent: quia quod notum est Dei, manifestum est in illis: Deus enim illis manifestauit.

*Multipliciter acquiritur, scilicet diuina illustratione.*

*Iob 21.* Qui dixerūt Deo, recede à nobis, scientiam tuarum nolumus.

*Psal. 4.* Multi dicunt, quis ostendit nobis bona? Signatum est super nos lumen vultus tui Dñe.

*Esa. 37.* Propter hoc sciet populus meus nomen meum in die illa: quia ego ipse qui loquebar, ecce adsum.

Confi-